

KYRKJEKONTAKTEN

NR. 03 — 2019 · 45. ÅRGANG · KYRKJELYDSBLAD FOR ALVERSUND / KNARVIK / LYGRA / SEIM

Kyrkjevalet

*Di kyrkje
Ditt val
Stemma di tel*

kyrkjevalet.no



DEN NORSKE KYRKJA



3

Frå konfirmantane

9-10

Politikarar om kyrkjevalet

12

Kryssord

Kyrkjekontakten

Kyrkjelydsblad for
Alversund, Seim og Lygra
sokn - i samarbeid med
Osterfjorden, Mo og
Meland sokn

Knarvik kyrkjekontor

Besøksadresse: Lonsvegen
100, 5914 Isdalstø
Postadresse: Postboks 228,
5903 Isdalstø
Tlf. 56 37 59 30
E-post:
post.knarvik@kyrkja.no

Opningstid:

Tysdag kl. 12-14
Onsdag-fredag kl. 9-14

**Heimeside til Alversund
kyrkjelyd:**

www.knarvikkyrkja.no

Lindås kyrkjelege fellesråd

Leiar: Turid Sporsheim
Tvedt

Kyrkjekontakten

Redaktør: Gunvor Taule
Mjanger

Lokal redaksjon

Terje Øpstebø
Geir Øy

Sokneråd

Alversund sokneråd
Laila Tvedt 950 39 882

Seim sokneråd

Rannveig Furelid 400 17 918

Lygra sokneråd

Øystein Veland 466 33 162

**Kontonummer til Kyrkje-
kontakten:** 3632.53.60741.

Vipps: 517310

Framsidedeilete:

© Kirkerådet

Tankestrek

Av sokneprest Geir Øy

Gje kyrkja eit godt råd!

Det er tid for val ganske snart. Me gjer oss opp meiningar om kva som er viktig for oss, og kva parti og kva politikarar me har mest tiltru til. Kva ønskje har du for kyrkja og kyrkjelyden du soknar til? Dette kan vere noko å tenke over når det også nærmar seg kyrkjeval.

Kandidatane til det nye Knarvik sokneråd har fått høve til uttale seg om kva dei ønskjer å arbeide for i soknerådet. Les det gjerne, og sjå kven du vil gje ei ekstra stemme til ved å setje kryss på stemmesetelen.

Sokneråd og bispedømmeråd: Alle som er medlemmer av Den norske kyrkja kan stemme ved kyrkjevalet. Kyrkja treng gode råd! Soknerådet har mykje å seie korleis arbeidet i den lokale kyrkjelyden skal drivast og utvikle seg. Det nye Knarvik sokneråd skal ha merksemnda retta mot alle dei fire kyrkjene våre. På regionnivå og i bispedømmet har bispedømmerådet mykje å seie for kva form kyrkja skal ha i større spørsmål. Mellom anna er bispedømmerådet organet som tilset prestar.

Bruk stemmeretten: Det er fritt fram for å nytte stemmeretten. Det avgjer den enkelte. I dette bladet er listetoppene til kommunevalet i Alver spurt kva partiet deira ser som viktige saker om kyrkja, samt om dei vil bruke stemmeretten også ved kyrkjevalet. Prosentvis er det svært god oppslutnad mellom desse. Me lar det vere ei oppmoding til å ta del både i vala til både til dei politiske og dei kyrkjelege organa.

**Synnøve Bjørndal**

sekretær
sb876@kyrkja.no

**Geir Øy**

sokneprest
go673@kyrkja.no

**Torbjørn Sæle**

spesialprest
ts657@kyrkja.no

**Nina Jenny Tresvik Monstad**

trusopplærer
nm853@kyrkja.no

**Kristine Rykkje Hopland**

konfirmantleiar
kh658@kyrkja.no

**Helge Taranrød**

prost
ht759@kirken.no

**Helle Kartveit**

konfirmantlærer (vikar)
hk967@kyrkja.no

**Odd Leif Mjøs**

kantor
om623@kyrkja.no

**Magne Bjørndal**

seniorprest
mb578@kyrkja.no



F.v. Thea Marie, Tobias, Patrick og Oda Marie har gode minner fra konfirmantåret.

Konfirmant-leir var det kjekkeste!

Tekst og foto: Helle Kartveit

Vi har spurt fire konfirmanter om hvordan det var å være konfirmant i kirken skoleåret i fjor, og hvilke minner de sitter igjen med. Thea Marie Frotjold, Tobias Hylleseth Krokeide, Patrick Lieske-Grindheim og Oda Marie Bjørsvik Rath er samstemte om at leiren i Sætervika var det beste i konfirmant-tiden.

- Fellesskapet og det å bli bedre kjent med hverandre, ha god tid til å være sammen, var det som gjorde den helgen så bra, sier Tobias.

Leirkvelden med sketsjer og innslag sitter godt i minnet, og korssamlingen der freden fikk senke seg.

Ellers trekker gjengen frem KRIK som en kjekk aktivitet, der idrettsgledden og det sosiale er viktigst, ikke å konkurrere.

- Alle kan være med og ha det gøy der, sier Oda Marie. Det spiller ingen rolle om du er god i idrett eller ikke.

Konfirmasjonsdagen da? Var den noe bra?

- Ja, den var flott, selv om det var skremmende i begynnelsen med all oppmerksomheten, forteller Patrick.

- Det var kjekt med talene på festen, morsomt og med fin stemning, husker Thea Marie fra sin dag.


Starten på konfirmasjonsdagen i kirken kan også være skummel. «Tenk hvis jeg gjør noe feil!» og «Nå ser alle på meg!» er tanker som går gjennom hodet. Alt gikk likevel bra, og minnene om gode ord fra familie og venner er fint å ha med seg videre.



Kandidatar til Knarvik sokneråd

For første gong skal det velgjast sokneråd for Knarvik sokn. I førebuingane til samanslåinga vart det nedfelt ønske om korleis representasjonen skulle vere dei tre gamle sokna, Alversund, Seim og Lygra. Denne lista innfrir dette.

Kandidatane har fått høve til å uttale seg om kva dei vil arbeide for i soknerådet, eller kva dei syns er viktig for kyrkja vår.



RANNVEIG FURELID (F. 1979)
REVISOR, SEIM

Inkludering og mangfald! Kyrkja skal vera ein stad der folk kjenner seg heime, og der alle kan delta på sitt vis.



TOVE SNEÅS SKAUGE (F. 1954)
RÅDGJEVAR, KNARVIK

At kyrkja vår skal ha plass for alle, uansett alder og kulturelle forskjellar. Trygg og god forkyning, kvalitetsmusikk, og menneske som bryr seg om kvarandre.



LARS EDVARD OLSEN
HJELMTVEIT (F. 1965)
ARBEIDSLEIAR, SEIM

At kyrkja skal være open og inkluderande, der den enkelte blir sett og møtt med respekt, og kan få et glimt av himmel over livet sitt.



LAILA MEHL (F. 1951)
PENSJONIST, LYGRA

Eg vil arbeide for at det i kyrkja på Lygra skal vere ein aktivitet og eit tilbod som dekker dei ønskje som folk i soknet har.



KÅRE JORDAL (F. 1947)
PENSJONIST, ALVERSUND

Få fram det beste i kyrkjelydane i Alver til inspirasjon og auka interesse for kyrkja. Ei kyrkje som ynskjer å ta imot alle.



MARIA FOSSE ROMARHEIM (F. 1990)
SJUKEPLEIAR, KNARVIK

Eg ønsker meg ei kyrkje som bidrar positivt i lokalmiljøet og som har eit variert tilbud til folk i alle aldrar.




MARIE THERESE VABØ (F. 1980)
SPESIALSJUKEPLEIAR, SEIM

Eg likar å organisere aktivitetar for barn og voksne. Eg ønskjer ei aktiv og open kyrkje. Sjømannskyrkja er eit forbilde.




OLE DANBOLT HAGESÆTHER (F.1941)
PENSJONIST, KNARVIK

No når dei tre sokna Alversund, Lygra og Seim, blir eitt stort Knarvik sokn, må vi jobbe for å halde på lokal entusiasme og kyrkjeglede!



BENTE NATASJA ZAHL RØSKELAND (F. 1965)
HELSEFAGARBEIDAR, SEIM

Eg vil bidra med å skape gode relasjonar mellom innvandrarar og lokalsamfunn. Eg vil også arbeide for eit godt konfirmant- og ungdomsarbeid.



HEGE KRISTIN BREKKE (F. 1972)
LEGE KNARVIK

Ei kyrkje der alle kan føle seg velkomne. Ei kyrkje for både fest og kvardagar, for sorg og glede. Eit samlingspunkt i bygdene våre.



JORUNN SKAAR (F. 1973)
FYRIOTERAPEUT, SEIM

Eg vil arbeide for at Den norske kyrkja skal ha god oppslutning og ei sterk stilling.




JANICKE GRUEHAGEN LYNGØY (F.1984)
KONTORLEIAR, KNARVIK

Eg kjenner sterkt engasjement over den viktige posisjon kyrkja har i nærsamfunnet, både med tanke på kulturformidling og på trusopplæring.



KRISTINE MYRENE BLEIKLI (F. 1990)
STUDENT/KYRKJEVERJE, KNARVIK

Eg vil jobbe for at kyrkja i Knarvik skal vere ein god, inkluderande og trygg plass å vere for folk i alle aldersgrupper.



ASTRID SKAAR ANDERSEN (F. 1977)
SEIM

Eg synest det er viktig å ta vare på kyrkja med aktiviteter i bygdene.



ØYSTEIN VELAND (F. 1975)
LOGISTIKK/KLARGJERING, LYGRA

Eg ønskjer å vere med å forme det nye felles soknerådet, og vere ei stemme for Lygra.



BORGHILD SÆTRE (F. 1951)
KNARVIK

Eg ønskjer eit kyrkje som er open og der folk i alle aldrar kjenner seg velkomne, inkluderte og medrekna.

Aktivitetar for barn og unge

BABYSANG I KNARVIK KYRKJE

0-2 år. Mandagar kl. 1030 i Knarvik kyrkje. Det er ikkje påmelding.

Leiar: Nina Jenny Tresvik Monstad, 400 43 749

BARNEKOR I KNARVIK KYRKJE

Knøttetekoret, 4 t.o.m. 1 klasse.

Onsdag kl. 1730

Kontakt: Gerd Marit Øvretveit, 908 78 872

BARNEKOR I ALVERSUND KYRKJELYDSHUS

Solstrålen, 3-5 år. Onsdag kl. 17

Leiar: Gudveig K. Sundsbø, 938 40 587

SingSingeling, 1. kl - 3. kl. Onsdag kl. 1815

Leiar: Therese H. Aakre, 414 68 837

SingOut, 4. kl - 8. kl. Onsdag kl. 1915

Leiar: Helle L. Kartveit, 404 06 050

KFUK/M-SPEIDAREN. ALVERSUND KYRKJELYDSHUS.

3. kl og oppover. Torsdag.

Leiar: Einar Amund Kartveit, 950 58 861

UNGDOMSLØRDAG. KNARVIK KYRKJE.

13 år og oppover. Lørdag kl 19.

Leiar: Kristine R. Hopland, 909 77 405.

KRIK. NORDHORDLANDSHALLEN

9. kl, fredag kl. 19.

10. kl og VGS, fredag kl. 21.

Leiar: Thomas Østerholt, 459 68 018

Kyrkjevalet 2019

9. SEPTEMBER SKAL DET VELJAST SOKNERÅD OG BISPE-DØMERÅD, SAMTIDIG MED VAL TIL KOMMUNESTYRE OG FYLKESTING.

KNARVIK SOKN

Det er gjort vedtak om samanslåing av sokna Alversund, Seim og Lygra frå 1. januar 2020. Det nye soknet får namnet Knarvik sokn.

KVEN KAN RØYSTE

Røysterett ved kyrkjevalet har medlemmar av Den norske kyrkja som fyller 15 år innan utgangen av 2019 og som er folkeregisterført i soknet pr. 30. juni. Du kan sjekke om du er medlem ved å logge inn via www.kyrkja.no, eller du kan kontakte kyrkjekontoret.

FØREHANDSRØYSTING

Tid og stad for førehandsrøysting er i perioden 12. august – 6. september:

Knarvik kyrkjekontor – kvar onsdag kl. 12-14 og torsdag 29. august kl. 16-18.

SOKNERÅDSVAL

Det skal veljast 10 medlemmar og 5 varamedlemmar.

Vallista er sett opp i prioritert rekkjefølgje.

Du kan levere røystesetelen utan endringar. Alle kandidatane får då ei røyst kvar.

Vil du endre på røystesetelen kan du:

- Gje ei tilleggsrøyst til inntil tre kandidatar.
- Legge til namnet på inntil tre valbare personar. Desse kan du ikkje gje tilleggsrøyst.

Det er ikkje høve til å stryke kandidatar eller gjere andre endringar.

Sjå meir informasjon om kyrkjevalet på www.kyrkjevalet.no



FAKTA

Namn: Therese Hystad Aakre

Alder: 40

Bustad: Ikenberget

Sivil status: Gift, og 4 barn

Yrke: Lærer

Frå kyrkjebenken

Tekst: Therese Hystad Aakre.

Foto: Privat

– Kva kyrkje tilhøyrrer du?

– Alversund kyrkje og Knarvik kyrkje.

– Kor lenge har du vore aktiv i kyrkjelyden?

– Sidan vi flytta til Alversund i 2005. Då vart eg spurd om å vere med i barnekorarbeidet, og fram til no har eg vore engasjert i det.

– Kva set du mest pris på ved kyrkjelyden?

– Mangfaldet i kulturbakgrunn, alder og uttrykk. Eg set stor pris på at det er lagt til rette for barnefamiljar, og eg kjenner meg alltid velkomen i gudstenesta – med eitt og to barn på fanget. Musikk er viktig for meg, og eg likar å ta del i allsongen. Eg trivst også godt på kulturkafé i Knarvik kyrkje, og tenkjer at dette tiltaket er viktig. For meg er det viktig med toleranse, respekt og mangfald i kyrkja, og eg ynskjer at alle skal få kome som dei er.

– Korleis vil du skildre kyrkja?

– Eg er stolt over at vi har fått eit så flott kyrkjebygg som Knarvik kyrkje er. Vi har hatt fleire store familiearrangement med barnekora der, og opplever at bygget fungerer svært godt i slike samanhengar. Kyrkja i Alversund er også svært fin, og det er viktig at også dette kyrkjebygget vert teke vare på.

– Kva salme syng du gjerne for tida?

– Det er vanskeleg å peike på ein bestemt salme, men friskt i minnet sit salmane frå NRK-gudstenstene. Eg likar særleg godt salmen «Gud skapte lyset», som vi i Singeling har sunge mykje - og hatt teiknspråk til.

– Kva kjenneteiknar ein god kyrkjekaffi?

– Eg er fascinert over det frivillige arbeidet tilknytt kyrkjekaffien, og er glad for jobben dei gjer – dei som søndag etter søndag steller i stand. Eg har enno ikkje bakt ei einaste kake til kyrkjekaffien, men har fått mykje godt å bite i. Borna i koret set særleg pris på kyrkjekaffien, og ser på det som ein liten «premie» etter gudstenesta ...



MELAND ELEKTRO

AUTORISERT ELEKTROENTREPRENØR

Mjåtveitflaten 45 • 5918 FREKHAUG
Tlf 56 17 87 00 • post@melandelektro.no
www.melandelektro.no

TRENG DU NOKON Å FORTELJE DET TIL?



22 40 00 40

KYRKJEVAL

Tekst og foto: Jarle Hagen/Kyrkjerådet

Har du fått med deg at det er kyrkjeval i år? At du som er medlem kan vere med å påverke kyrkja der du bur, og at du kan vere med å bestemme kven som skal sitje i kyrkja sitt «storting»? I kyrkjevalet kan alle medlemmar av kyrkja, frå det året dei fyller 15 år, vere med å bestemme kven som skal vere tillitsvalde i kyrkja lokalt, regionalt og nasjonalt. Kyrkja vår er demokratisk, og alle medlemmane kan vere med å forme kyrkja. Det er viktig at det ikkje berre er dei som aktivt går i kyrkja som er med å forme den, men alle! Alle som er døypte er like mykje verd som medlem av kyrkja og kan vere med å påverke utviklinga i kyrkja. Når vi snakkar om kyrkja lokalt, er det kyrkja der du bur. Den regionale kyrkja er bispedømmet du bur i. Det nasjonale nivået er Kyrkjemøtet. Det er om lag 1200 kyrkjelydar fordelt på elleve bispedømme i Noreg.

I kyrkjevalet stemmer du på representantar til både sokneråd og bispedømmeråd/Kyrkjemøtet. I alle bispedømme kan ein velje mellom fleire lister i val av bispedømmeråd, medan i soknerådsvalet er det mest vanleg med ei liste.

Soknerådet bestemmer kva kyrkjelyden skal jobbe med. Rådet er involvert i utforming av gudstenester, konfirmantundervisning, tiltak for born, eldre, innvandrarar og andre. Soknerådet gjer ein verdifull innsats for kyrkja i lokalmiljøet og har mellom fire og ti medlemmar, i tillegg til varamedlemmar og sokneprest. Bispedømmerådet er dei som tilset prestar, og jobbar til det beste for kyrkja i bispedømmet. Dei som vert vald inn i bispedømmeråda utgjer Kyrkjemøtet, der medlemmane er med å påverke viktige retningsval på nasjonalt nivå i kyrkja. Kyrkjemøtet vert ofte omtalt som kyrkja sitt «storting».

I dei fleste kyrkjelydar er det berre ei liste ved val av sokneråd. Denne er sett saman av ein nominasjonskomité. I dei fleste bispedømme kan du velje mellom kandidatar frå Bønnelista, Nominasjonskomiteens liste og Åpen folkekirke. Ved begge vala kan du levere lista utan å gjere endringar, men du kan òg gjere endringar for å gje ekstra stemmer til nokre personar. Du finn meir informasjon om kandidatar og lister til begge vala på kyrkjevalet.no. Her finn du også informasjon om kva endringar du kan gjere på stemmese-telen.

Alle medlemmar i Den norske kyrkja som er busett i soknet har stemmerett. Alle som er fødd i 2004 eller tidlegare som har stemmerett får tilsendt valkort i starten av august. Då får du òg ei brosjyre som fortel meir om valet. Det er val kvart fjerde år, samtidig med kommunevalet. I år er valdagen måndag 9. september, og mange stader er det valdags søndag 8. september i tillegg. Det går an å førehandsstemme i perioden 10. august til 6. september. Du får informasjon om tid og stad for valet i din stemmekrets på valkortet.

Meir informasjon om valet finn du på www.kyrkjevalet.no



Slik svarar dei politiske partia om kyrkje- og kristenliv

ME HAR STILT FØLGJANDE SPØRSMÅL TIL LISTETOPPANE FOR PARTIA SOM STILLER TIL VAL I ALVER KOMMUNE:

1. Skal du stemma ved kyrkjevalet?
2. Kva ser ditt parti som den eller dei viktigaste sakene når det gjeld kyrkje- og kristenliv i Alver kommune?

ØYVIND ODDEKALV ARBEIDARPARTIET

1. Eg har ikkje pleidd å delta tidlegare ved kyrkjevalet, men det er viktig med høg valdeltaking også her.

2. Det er ein viktig omstillingsprosess ein går inn i med den nye kommunen og med endring av soknerådsgrenser. Samtidig er det viktig at kyrkja i Alver kommune opplever føreseielege rammevilkår, slik at ein kan levere gode tenester til innbygarane i ulike livssituasjonar. Alver Ap ønskjer å bidra til dette.



MORTEN KLEMENTSEN FNB ALVER

1. Ja, eg skal stemma i Kyrkjevalet, og eg oppfordrar våre listekandidatar og veljarar å gjera det same.

2. Folkeaksjonen Nei til mer bompenger sine fire kumulerte listekandidatar er medlemmar i Den norske kyrkja. Begrep som moral, etikk og ærlegdom er sunne og gode normer for oss folkevalde, som for kyrkja. FNB ønskjer å ha god kommunikasjon med kyrkjelydane i komande kommunestyreperiode.



LEIF JOHNSEN MDG ALVER

1. Ja.

2. At kyrkjene i Alver også får kvinnelege prestar, og er ei mangfaldig folkekyrkje med låg terskel og høg himmel under taket. At det blir regulert inn tomt til kyrkje på Frekhaug tidleg i fireårsperioden.



NILS MARTON AADLAND HØGRE

1. Ja, eg skal stemma ved kyrkjevalet. Det er viktig at vi deltek i kyrkjedemokratiet.

2. Kyrkja og kristenliv står sterkt i Alver kommune, og driv eit omfattande arbeid både i kvardag og høgtid.

Kyrkja gir eit viktig tilbod til menneske i alle aldersgrupper og i ulike livssituasjonar. Alver Høgre vil arbeida for at kyrkja har gode rammevilkår for å fylla denne oppgåva på ein god måte.



ASTRID AARHUS BYRKNES KRF

1. Eg skal stemma ved kyrkjevalet. Som medlem i kyrkja er det viktig for meg å ta del i demokratiet ved nettopp å velja representantar til styrende organ i kyrkja.

2. For KrF er det viktig å støtta opp om frivillig arbeid. Kyrkja bidrar som samfunnsbyggjar, men også i det viktige arbeidet med å gjera kyrkja og trua kjent - og inkludera alle. Vi er imponert over arbeidet kyrkja gjer for born, unge og vaksne. At våre nye landsmenn blir inkludert blir lagt merke til. KrF vil vere med å leggja til rette slik at kyrkja har føreseielege rammer for arbeidet, også det frivillige arbeidet.



TORBJØRN TARANGER ALVER SV

1. Ja. Eg synest det er viktig at alle brukar stemmeretten sin. Demokrati må me ta vare på.

2. Kyrkja gjer eit flott arbeid med mange grupper i kommunane våre. Me i Alver SV ser det viktige og verdien i dette.

Både unge og eldre har gode tilbod gjennom kyrkja og det er noko som me vil skal fortsetja i Alver kommune.



NINA STABELL ØVREÅS
FRAMSTEGSPARTIET



1. Klart at eg vil stemma. Det er viktig å få personar inn i fellesrådet som vil jobba for ei aktiv kyrkje.

2. Frp jobba hardt for å bygga kyrkja i Knarvik. Kyrkja har ei stor rolle i nærmiljøet og det er viktig at det er ei arbeidskyrkje som kan romma mange ulike aktivitetar, som f.eks. på Ostereidet. I kyrkja har dei mange ulike aktivitetar for store og små. Spesielt vil eg nemna Fredagskafeen, som er viktig samlingspunkt for ungdommane.

FrP tuftar på Noregs grunnlov, norsk og vestleg tradisjon og kulturarv, med basis i det kristne livssyn. Derfor meiner vi at blant anna skulegudstenesta skal vera lovpålagt.

BJØRN HUMBLEN
PARTIET DEI KRISTNE ALVER



1. Ja, eg skal stemma ved kyrkjevalet.

2. Det viktigaste for kyrkja i Alver er å stå fast på Guds ord om å bevare menneskelivet – født eller ufødt. Verna om familien og ekteskapet som ukrenkeleg og status som ei unik forening mellom kvinne og mann. Støtta opp om arbeidet for å gje det jødiske folk ein sikker og trygg heim i den einaste demokratiske staten i Midt-Austen. Fremja opplæring i heim og skule i den kristne tru på den einaste som kan gje oss frelse og evig liv; Jesus Kristus.

HENDRIK WEBER
RAUDT



1. Nei.

2. Raudt er for at alle kan velja si eiga tru. Dette ser vi som ein grunnleggande demokratisk rett. Alle religionar skal møtast med anstendighet og respekt. Men retten til å kritisera religion er like prinsipielt viktig som religionsfridomen. Vi ønskjer et tydeleg skilje mellom stat og kyrkje, men er klar over at den kristelege trua står sterkt i tradisjon og historie.

JON ASKELAND
SENTERPARTIET



1. Eg vil også ved dette valet stemma ved kyrkjevalet, det er viktig for forståinga av omgrepet folkekyrkje!

2. SP vil vidareføra og utvikla samarbeidet med kyrkja i Alver, og me har programfesta følgjande: Kyrkja står sterkt i Alver. Me vil vidareføra økonomieisk støtte til og ha eit godt samarbeid med kyrkja gjennom Kyrkjeleg fellesråd, og gje andre trussamfunn tilskot etter gjeldande reglar.

Innan kyrkje og trusliv vil SP arbeida for å sikra fellesrådet føreseielege rammer for sitt arbeid, sikra godt vedlikehald på kyrkjer og gravplassar, oppfordra kyrkjeleg fellesråd til å oppretta minnelundar på gravplassar, starta planarbeid for arbeidskyrkje på Frekhaug, og utvida Meland kyrkjegard i perioden.

SVEINUNG TOFT
VENSTRE



1. Eg skal ikkje røysta i kyrkjevalet.

2. Det eg ser på som det viktigaste er at kyrkja i Alver i framtida klarer å inkludere alle typar menneske inn i fellesskapet, slik at alle kan kjenna seg trygge på at dei er velkomne uansett bakgrunn, sosial status, identitet mv. At kyrkja i Alver klarer å tilby fine sosiale opplevingar og gode fellesskap, og samstundes vera ein demokratisk organisasjon med respekt for ulikskap og mindretalet sine rettar og synspunkt, er og svært viktig.

Kyrkja i Knarvik må ha ressursar til å tilby gode kulturelle arrangement, som storkyrkja for alle i Alver.

Lokale kandidatar til bispedømerådet

NOMINASJONSKOMITÉEN SI LISTE:



DANIEL KYDLAND:

Eg vil arbeide for ei inkluderande kyrkje som jobbar for at ungdom, unge vaksne og barnefamiliar skal kjenna seg involverte.

Gjennom involvering av unge vil eg arbeida for ei større oppslutning rundt gudstenesta, og anna kyrkjeverksemd som fremjer evangeliet om Jesus Kristus og oppmuntrer menneske til ei tru på han.

Eg er takksam for den gode gudstenesta vår, difor vil eg styrke den lokale forankringa. Dette trur eg vil generere frivillighet samt ha ein god innverknad på dåps- og konfirmasjonstala.



ARVE KJELL UTHAUG:

Det viktigaste i kyrkja skjer på aller høgaste nivå, som er over både kyrkjemøte og biskopar, og på lågaste nivå, som er den lokale kyrkjelyden. Arbeidet i bispedømeråd og kyrkjemøte er likevel viktig.

Eg ønskjer å støtta alle gode krefter som vil arbeida for ei engasjert kyrkje tufta på Guds ord. Den lokale kyrkjelyden må få større ansvar, og bør sjølv få tilsetja prestane.

Dessutan bør det veljast inn ein god ungdomskandidat frå Nordhordland, så kryss av for Daniel Kydland viss du stemmer på Nominasjonslista.

OPEN FOLKEKYRKJE SI LISTE:



HÅKON GLATVED-PRAHL:


Eg vil arbeida for ei kyrkje som fremjer menneskeverdet og motarbeider diskriminering. Ei kyrkje der alle skal føla seg hjarteleg velkomne. Dette er i tråd med kyrkja sitt grunnlag og oppdrag: Kjærleikens evangelium. Jesus lytta, let seg prega og endra seg i møte med andre, og han løfta fram undertrykte og utstøtte.

Lokalt meiner eg mellom anna at Bjørgvin bispedømeråd bør tenkja nytt med tanke på auka oppslutnad om gudstenestene.



KRYSSORD

Laga av Arvid Sakseide

			nr.3 2019 A.S.	bruka penn	båt- byg- gjar	ein Gjel- line	rex	mot- vil- lige		blink	<u>frukt</u>	tonen over C
			kan- tori				<u>vesal</u> kyrkje- distrikt		<u>loge</u>			
			skule- veske							EU før i tida		
	<u>rekke</u> ----- pron..		<u>drikk</u>	<u>prep.</u> kule- rame		<u>tittel</u> .. Bav- nehøj					<u>adv.</u> kilo- tonn	
500			.						<u>gie!</u>			
by i Me- sopota- mia			del av <u>våpen</u> rotkål								bøye	kor- stem- mer
		<u>stela</u> ny- vaska			<u>vesen</u> eldre mål		<u>prep.</u>	<u>lag</u>	950	mynt		
nyttar												
blod- væske	<u>parti</u>					øy i Sogne- fjorden	<u>.og pleti</u>	<u>spøk</u>			<u>slaps</u>	
kyrkje- høg- tid						kaldt <u>belegg</u> bunt				<u>reisk.</u> vok- alar		
	?			<u>stoff</u>					<u>like</u>			
	<u>elv</u>	mat- <u>rett</u> prep.									<u>3,14</u>	
kyr- kje- leiar					malm		<u>svovel</u>	fugle- byg- ning				

Send heile kryssordet (evt.foto/scan) innan 30.september til post.meland@kyrkja.no eller i post til Meland kyrkjelyd, Postboks 117, 5906 Frekhaug. Premie: Gåvekort kr. 250, Knarvik Senter. Vinnar i nr 2/19: Anne Berit Helle, 5918 Frekhaug



Vatne
Begravelsesbyrå

Vi kan hjelpe til med rådgivning og tilrette-
legging ved begravelser og bisettelser.

Døgnvakt 56 35 09 10
www.vatne-byra.no
Kvassnesvegen 11, 5914 Isdalsbø



Knarvik
Blomsterstove



Kvassnesvegen 11 – 5914 Isdalstø
Tlf: 56 35 62 20 – www.knarvikblomsterstove.no

KNARVIK 40 SENTER



Møteplassen for handel og kultur

Kulturkalender

31. oktober - torsdag

HALLOVENN

Knarvik kyrkje

Ein stor vennefest for barn opptil 12 år med mange ulike aktivitetar, underhaldning, mat og godteri. Sjå 'Hallovenn Knarvik' på Facebook for info om pris og påmelding.

Arr. Fleire kyrkjelydar og forsamlingar i Nordhordland

9. november - laurdag

FELEBALUBA

Knarvik kyrkje kl. 12.00

Familieforestilling «Felebaluba med Askeladden» m/ Ramona Sulen og Elisabeth Vannebo. Arr.: Musikkens Venner.

24. november - søndag

HÄNDELS MESSIAS

Knarvik kyrkje kl. 18.00

Alversund kammerkor m/ solistar og orkester.

27. november - onsdag

BIBEL-FORESTILLING

Knarvik kyrkje kl. 19.00

«Som skrive står». Svein Tindberg les, fortel og leikar med tekstar frå Bibelen. Arr. Alversund sokneråd

29. november - fredag

KONSERT

Knarvik kyrkje kl. 19.00

Artisten Kristin Minde og Knarvik Gospel. Konsert med kjente og nye julesongar. Arr. Knarvik Gospel

I Knarvik kyrkje blir det ei langlesing frå Bibelen i slutten av november. Som ein del av 5-årsmarkeringa for Knarvik kyrkje skal Det nye testamentet lesast frå start til slutt. Dette vil skje på ettermiddag- og kveldstid frå onsdag 27. november. Forestillinga «Som skrive står» med Svein Tindberg markerer starten på prosjektet. Tindberg tar oss med bak kulissene og fortel om sitt arbeid. Det blir ein kveld med mykje latter, men sjølv sagt også tekstar både fra Markusevangeliet, Abrahams barn og frå Tindbergs «Bibelfortellinger for barn».



Helga Bjørke Harnes

Andakt

formuen som fell på meg.' Så skifte han egedomen sin mellom dei. Ikkje mange dagane etter selde den yngste sonen alt det han eigde og drog til eit land langt borte. Der levde han eit vilt liv og sløste bort formuen sin. Då han hadde sett alt over styr, vart det uår og svolt i landet, og han tok til å lida naud. Han gjekk då til ein av mennene der i landet og bad om arbeid, og mannen sende han ut på markene sine for å gjeta grisene. Han ønskte berre å få metta seg med dei belgfruktene som grisene åt, men ingen gav han noko.

Jesus samla ofte folk rundt seg som andre såg ned på. Dei som meinte dei hadde orden på livet kunne ikkje skjønne korleis Jesus kunne søke fellesskap med desse svikarane og syndarane! Til desse tilsynelatande vellukka menneska fortalde Jesus denne likninga:

«Ein mann hadde to søner. Den yngste sa til far sin: 'Far, lat meg få den delen av

Då gjekk han i seg sjølv og sa: 'Kor mange leigekarar heime hos far min har ikkje fullt opp av mat, og her går eg og svelt i hel! Eg vil bryta opp og gå heim til far min og seia: Far, eg har synda mot Himmelen og mot deg. Eg er ikkje verd å kallast son din lenger. Men lat meg få vera som ein av leigekarane dine.' Så braut han opp og gjekk heim til far sin.

Medan han endå var langt borte, fekk faren sjå han, og han fekk inderleg medkjensle med han. Han sprang imot han, kasta seg om halsen på han og kyste han. Då sa sonen: 'Far, eg har synda mot Himmelen og mot deg. Eg er ikkje verd å kallast son din lenger.' Men faren sa til tenarane:

'Skund dykk! Finn fram dei beste kledda og ha dei på han, og lat han få ring på fingeren og skor på føtene. Hent så gjøkalkven og slakt han, og lat oss halda måltid og feira. For denne sonen min var død og har vorte levande, han var bortkomen og er atfunnen.' Og så tok festen og gleda til.» (Lukas 15, 11-23)

Likninga er rik på innhald, les ho gjerne fleire gonger! Mellom anna viser ho at det å gå seg vill, rote det skikkeleg til og misse Gud av syne ikkje endrar Guds ventande, tilgjevande og frigjerande kjærleik.

Vi er velkomne heim igjen til Han, alltid.



OPPSKRIFT

Elin sine smale kyrkjelydsvaflar

Ei røre gir 8 vaflar.


Songpedagogen Elin Halvorsen Langenes er oppteken av sunne matval i kvardagen. Ho kjem frå Norheimsund i Hardanger og har fem barnebarn på Frekhaug. Ho er gift med Steinar.

Ingredienser

1 ½ dl	kveitemjøl
1 ½ dl	sammalt kveite, fin
1 dl	havregryn
2 ss	stevia (søtemiddel)
½ ts	salt
½ ts	bakepulver
4 dl	lettmjøl
2 ss	lettrømme
2 stk	egg
2 ss	smelta smør

Framgangsmåte:

1. Ha alle tørrvarene i ein bakebolle.
2. Spe med mjøl, litt om gongen. Rør godt mellom kvar gong for å unngå klumpar.
3. Ha i egg og smelta smør, rør saman til ei glatt røre.
4. La røra svelle i 15-20 minutt.
5. Steik vaflene til dei er gyldne.



Server
 gjerne med:

Blåbær
Bringebær
Vaniljekesam

Nordhordland Begravelsesbyrå AS

VIRKE
GRAVFERD

Ring oss på tlf. 56 37 14 10
eller sjå www.nordh-bb.no

Stort utvalg
i blomster og
gravminne!

KYRKJEVEGEN 1
5911 Alversund

FREKHAUG:
Havnevegen 31,
5918 Frekhaug

AVD. VAKSDAL:
Tlf. 56 99 25 70

Me går saman med deg heile vegen

GRAVMINNER

 **Løvaas
Naturstein**



Tlf. 55 92 25 30 • Espehaugen 54, 5258 Blomsterdalen

Man- fre kl. 9.00-17.00. Lørdag stengt.


www.lovaasnaturstein.no



DEN NORSKE KYRKJA

Kyrkja treng gode leiarar – kven vil du gje di stemme?

Du er med på å bestemme kven som skal sitje i Bjørgvin bispedømeråd og Kyrkjemøtet, Den norske kyrkja sitt «storting» i perioden 2019 – 2023.



På dei neste sidene vil du få ein kort presentasjon av alle kandidatane som stiller til val. Meir utdjupande informasjon finn du på kyrkja.no/bjorgvin eller kyrkjevalet.no. Informasjon om kva kandidatane og listene står for og meiner om ulike saker, presenterer dei sjølve på eigne nettsider.

Kyrkjevalet
8.-9. sep. 2019

I Bjørgvin bispedøme er det tre lister ved bispedømerådsvalet: Bønnelista, Nominasjonskomiteens liste og Open Folkekyrkje. Listene er presentert alfabetisk. Kandidatane på kvar liste er presentert i prioritert rekkefølge.

Bønnelista

Bønnelista vil føre vidare dei bibelske verdiane som Den norske kyrkja vart tufta på som følgje av den Lutherske reformasjonen.


Kyrkja må leiast av Guds Ord og Ande, og alle vedtak samsvare med Bibelen. Vi ønskjer optimalt sjølvstyre lokalt, der råd og medlemmer får bibelforankra trusopplæring og kurs i kyrkjelydsutvikling, i å leve som Jesu etterfølgjarar og spreie evangeliet.

Kyrkja skal oppmuntre alle i kyrkjelysten til å tene Herren etter den einskilde sine gåver og føresetnader. Vi ønskjer ei fornya kyrkje av lemer som har Jesus som Herre, og som søker Gud og Hans vilje gjennom bøn og tilbeding.

Sjå kandidatane på www.bonnelista.no



Stein Oltedal
f. 1952, pensjonert prest, Naustdal.



Solaug Anita Apelthun Sæle
f. 1951, økonomisjef, Fjell.



John Eivind Warvik
f. 1994, pioner/tømrar, Ortnevik.



Anne Kristine Torvik Christiansen
f. 1954, vernepleiar, Fjell.



Øyvind Skartveit
f. 1992, student, Tysnes.



Magdalena Steinhovden
f. 1947, pensjonert sjukepleiar, Naustdal.



Stig Bruun
f. 1968, økonom, Rådal.



Jan Frank Leirkar Christiansen
f. 1952, pensjonert vernepleiar, Fjell.



Anna Helena Bruun
f. 1974, rekneskapsfører, Rådal.



Andreas Skjelde
f. 1993, student, Slettebakken.

Kyrkjevalet

8.-9. sep. 2019

Nominasjonskomiteens liste

Det er ein nominasjonskomité som har sett opp lista. Nominasjonskomiteen er valt av representantar frå sokneråda, med eit medlem frå kvart prosti.

Lista er utarbeidd på bakgrunn av forslag frå sokneråd, ungdomsrådet i bispedømet og forslag frå medlemene i nominasjonskomiteen. Det er vidare lagt vekt på at ein skal representere ei breidde i kva kandidatane meiner i aktuelle kyrkjelege spørsmål.

Lista representerer ingen organisasjon eller interessegruppe. Saman vil vi arbeide til det beste for den lokale kyrkja.

Den enkelte kandidat presenterer seg sjølv på nominasjonslisten.no



Vemund Atle Øiestad
f. 1948, pensjonist, Nordsida, Nordfjord.



Turid Fjose
f. 1969, overlege, Voss.



Per Hilleren
f. 1959, bonde, Stedje.



Mali Smemo Hjemdal
f. 1973, rådgjevar, Etne.




Gerhard August Hansen
f. 1951, pensjonist,
Os.



Daniel Kydland
f. 1997, student,
Knarvik.



Madli Kvamme Hannisdal
f. 1950, pensjonist,
Osterøy.



Leif Steinar Alfsvåg
f. 1959, fagseksjons-
leiar, Stord.



Harald Berge Breistein
f. 1956, dagleg leiar,
Åsane.



Arve Kjell Uthaug
f. 1967,
administrasjonssjef,
Frekhaug.



Kristian Slettebø
f. 1989, revisor,
Bergen.



Liv Oddlaug Skaaheim
f. 1948, pensjonist,
Førde.



Ingrid Grimstad
f. 2000, student,
Stord.

Open folke- kyrkje

Vi som står på lista til Open folkekyrkje vil at Den norske kyrkja skal utviklast vidare som ei open og demokratisk kyrkje som frimodig forkynner det glade evangeliet om Jesus.

Vidare vil vi arbeide for ei kyrkje som er open for alle, som fremjar menneskeverdet og som motarbeider diskriminering.

Sjå elles www.apenfolkekirke.org for fullstendig valgprogram.



Karl Johan Kirkebø
f. 1950, pensjonist,
Bergen.



Nora Sætre Baartvedt
f. 1994, teologi-
student, Voss.



Runar Larsen
f. 1997, student,
Sveio.



Line Berggreen Jacobsen
f. 1986, rådgjevar,
Bergen.



Oddny Irene Miljeteig
f. 1954, komitéleiar,
Bergen.



Eiel Holten
f. 1968, seniorrådgjevar,
Bergen.



Åse Kongsvik
f. 1962, rettleiar,
Leikanger.



Erik Torp Nilssen
f. 1947, pensjonist,
Førde.



Torill Jørgensen Frøise
f. 1972, gruppe-
sekretær, Askøy.



Håkon Glatved-Prahl
f. 1956, journalist,
Alversund.



Marit Melvær Berge
f. 1952, pensjonist,
Florø.



Christian Emil Hagen
f. 1990, student,
Bergen.



Therese Nesse Mokkelbost
f. 1973, administrasjons-
konsulent, Bergen.



Ann Elisabeth Tveit
f. 1972, lærar,
Bergen.

Godt å vite om valet

Kven kan stemme?

Medlemer av Den norske kyrkja har stemmerett frå det året dei fyller 15 år. Du må vere døypt for å vere medlem i Den norske kyrkja. Nesten 3,1 millionar menneske har stemmerett ved Kyrkjevalet i 2019.

Når og kvar er det val?

Kyrkjevalet blir halde 8. og 9. september 2019, samtidig med kommunestyre-/ fylkestingsvalet. Kyrkjevalet finn stad i eit lokale nær det offentlege valet. Du kan også stemme på førehand frå 10. august. Alle med stemmerett får i august eit valkort i posten med informasjon om kvar og når dei kan stemme.

Kven kan du stemme på?

Du stemmer på kandidatar til soknerådet og til bispedømerådet/Kyrkjemøtet. Kandidatane blir valde for ein periode på fire år. Ved val til sokneråd er det dei fleste stader berre ei valliste. I valet til nytt bispedømeråd er det i Bjørgvin bispedøme tre lister å velje mellom.

Kva gjer kyrkjemøtet?

Kyrkjemøtet er «kyrkja sitt storting», og det øvste organet i Den norske kyrkja. Her blir alle bispedømeråd samla i ei veke kvart år. Kyrkjemøtet bestemmer ordningar og liturgiar, og i den komande perioden vil det bli viktige saker om kyrkja si organisering.

Kva gjer bispedømerådet?

Bispedømerådet er det regionale styringsorganet i kyrkja. Rådet tilset prestar og er arbeidsgjevar for desse og enkelte andre. Det arbeider for samordning av det kyrkjelege arbeidet i dei mange kyrkjelydane i bispedømet. Medlemene i bispedømeråda utgjer samla Kyrkjemøtet.

Kva gjer soknerådet?

Arbeidet til soknerådet spenner over mange tema. Det kan vere barne- og ungdomsarbeid, juss og økonomiforvaltning, tilsetjingar, gudstenester, miljø og rettferd, omsorg, musikk og misjon. Råda skal sørge for vekst og næring til kyrkja og lokalsamfunnet der du bur.

Sjå kven som stiller til val i kyrkjelyden og bispedømet på www.kyrkjevalet.no

Slik går du fram når du skal stemme

Kyrkjevalet er to val: val til sokneråd og val til bispedømeråd og Kyrkjemøtet.

I alle vallokala skal det vere ein stad der du i einerom og usett kan velje dei stemmesetlane du vil ha, og gjere endringar. Dette kan til dømes vere eit valavlukke eller eit eige rom.

I avlukket

- 1 Vel stemmesetlane du vil bruke, éin per val. Du kan stemme ved eitt val eller begge vala.
- 2 Gjer eventuelle endringar på stemmesetlane
- 3 Brett stemmesetlane så ingen kan sjå kva du har stemt.

Hos valfunksjonæren

- 4 Du må vise legitimasjon. Valfunksjonæren kryssar deg av i manntalet og stemplar stemmesetlane.
NB! Stemmesetlane må ha stempel for å bli godkjende.
- 5 Legg stemmesetlane i valurna.

Slekters gang

Knarvik

Døypte

12.05.19 Astrid Soltvedt Clementsen
12.05.19 Viktoria Wilhelmsen Instebø
19.05.19 Hedda Aalholm Tvete
02.06.19 Amanda Ørbeck Frotaule
02.06.19 Ingrid Finsnes Henriksen
02.06.19 Leon Hopland Lohne

Døde

01.05.19 Klara Marie Køhne f. 1951
01.05.19 Nora Soltveit f. 1928
15.05.19 Anne Katrine Nepstad f. 1937

Alversund

Døypte

21.04.19 Amalie Børslid Vabø
(døpt i Ostereidet kyrkje)
28.04.19 Melina Noelle Berland Dale
(døpt i Meland kyrkje)
26.05.19 Milla Marie Bjørsvik Halås
26.05.19 Mathilde Viken Hetlevik
26.05.19 Oliver Kåen Osa
26.05.19 Oline Marie Hagen Wiik

Vigde

25.05.19 Cecilie Skomsøy og Terje Stalheim
01.06.19 Veronica Wiken Moberg og Simen Horne

Døde

21.04.19 Andreas Lillebø f. 1930
27.04.19 Fredrik Johan Fosse f. 1939
22.05.19 Anne Gro Kallhovde Vågenes f. 1960

Seim

Døypte

12.05.19 Thomas Leander Montgomery Vabø-Gullaksen
(døpt i Åsane gamle kirke)

Døde

29.04.19 Torleif Vatnøy f. 1947
11.05.19 Audun Romarheim f. 1945

Lygra

Døde

26.02.19 Jan Didrik Andersen f. 1946
(Feil kyrkje i førre nr.)
06.05.19 Johannes Magnus Koi f. 1925

KiM
Knarvik Industri og Miljø as
www.k-im.no
KVASSNESVEGEN 52-54. 5914 ISDALSTØ

KIWI mini pris
KJØP KJAPT, KJØP TRYGT, KJØP BILLIG
Kiwi Ikenberget Tlf. 56 35 86 10

Nordhordland Elektro
Lindåsvegen 153, 5914 Isdalstø
Tlf.: 56 35 73 80 | post@nordhordland-elektro.no
elektronkjeden
norgeseliten
Din trygghet - vårt ansvar!

Seimstrand as
5912 SEIM - tlf. 56 35 79 00 - fax 56 35 79 15

REMA 1000

ALVER HOTEL

REIGSTAD MASKINSENTER AS
5914 Isdalstø - Tlf.: 56 35 79 90 Fax: 56 35 79 91
www.reigstad.no

Sparebanken Vest
- satsar på Vestlandet

TREseksten
- Din kristne bokhandel - Åsane Senter!
Bibler
Bøker - Musikk - Film - Kort - Gaver
tlf 55 19 82 00

GUDSTENESTEKALENDER



Knarvik

1. september

12. s. i treeiningstida
Kl. 12.30 Friluftsgudsteneste på Gamleskolen i samband med Knarvikmila v/ Geir Øy.

8. september

13. s. i treeiningstida
Kl. 11. Magne Bjørndal. Dåp/ Nattverd.

15. september

Vingardssøndag
Kl. 11 v/ Helge Taranrød og Kristine R. Hopland. Dåp. Konfirmantpresentasjon.

22. september

15. s. i treeiningstida
Kl. 11 v/ Helge Hitland. Dåp/ Nattverd.

29. september

16. s. i treeiningstida / Mikkelmesse
Kl. 19 Kveldsgudsteneste v/ Geir Øy. Nattverd.

6. oktober

17. s. i treeiningstida
Kl. 11 v/ Magne Bjørndal. Dåp/ nattverd.

13. oktober

18. s. i treeiningstida
Kl. 11 v/ Åge Palmesen. Nattverd.

20. oktober

19. s. i treeiningstida
Kl. 11 Familiegudsteneste v/ Geir Øy. 4-årsbok. Dåp.

27. oktober

Bots- og bønedeag
Kl. 19 Kveldsgudsteneste v/ Magne Bjørndal. Nattverd.

3. november

Helgemesse
Kl. 11 v/ Geir Øy.
I samarbeid med Den norske Israelsmisjon. Dåp/nattverd

10. november

22. s. i treeiningstida
Kl. 11 v/ Magne Bjørndal. Nattverd.

17. november

23. s. i treeiningstida
Kl. 11 v/ Helge Hitland. Dåp/ nattverd.



Alversund

29. september

16. s. i treeiningstida / Mikkelmesse
Kl. 11 v/ Helge Hitland. Dåp. Hattakkefest.

27. oktober

Bots- og bønedeag
Kl. 11 v/ Helge Hitland. Dåp.

3. november

Helgemesse
Kl. 19 Minnegudsteneste v/ Geir Øy og Magne Bjørndal.

24. november

Domssøndag/
Kristi kongedag
Kl. 11 v/ Helge Hitland. Dåp.



Seim

8. september

13. s. i treeiningstida
Kl. 11 v/ Geir Øy og Kristine R. Hopland. Dåp. Konfirmantpresentasjon for Seim og Lygra.

13. oktober

18. s. i treeiningstida
Kl. 11 v/ Helge Hitland. Dåp. 50 og 60-årskonfirmantar.

10. november

22. s. i treeiningstida
Kl. 11 Familiegudsteneste v/ Helge Taranrød. Dåp.



Lygra

22. september

15. s. i treeiningstida
Kl. 11 Familiegudsteneste v/ Geir Øy. Dåp. 4-årsbok.